

تورک یوردی

ناشری : تورک یوردی

مدیری : محمد امین

۱۶ مایس ۱۳۲۹

۳ جلد

صافی ۱۶

بی بی
74
①

اجتماعات

فلاکتلردن صوکره ملتلر

— دارالافتون سالوننده خاتملره ایراد ایدیلش برخطابه —

خاتملر ،

مشهور بر ضرب مثل واردر . درویشک فکری نه ایسه ذکرید اودر ،
دیرلر ؛ بو ضرب مثل یالکیز درویش ایچین واقع دکل ، هرکس ایچین اویله در .
انسانلر دائماً قلیلرلنده ، فکرلرلنده اک حاکم ، اک قوتلی اولان دوشونجه و حسلرله
مشغولدرلر ، دائماً هر وسیله ایله اوندن بحث ایتک ایستلر ، بوانسانلرده اولدینی
کبی ملتلرده بویله . ملتلرده بر شخص کبی درلر ، بر ملت اک چوق علاقه دار
ایدن شی او ملت افرادینی ده علاقه دار ایدر ، خصوصیه ملتک فلاکت زمانلرلنده .
ملتک فلاکتی عادتاً افرادینک هپسینک آیری آیری فلاکتی اولور ؛ هپسی
اونکله مشغول اولق ، اونی سویلتک ، او آجی هر آن یارمقلریله ده شمتک ،
اونک اوزرندن گوزلرینی آیرماق ایستر . ایشته بز تورک و عثمانلی ملت ،
ملتکزک ، بویله هپمزک بوتون وارلغنه حاکم اولان بر فلاکتی قارشى سنده
بولنیورز . بوندن دولایی درکه اولرده ، قهوه لرده ، حماملرده ، واپورلرده ،
هر عمومی یرده ناصل لا قیردییه حاکم شی ملتک فلاکتی ایسه ، طبیعی بر آرایه
طویلانیلنجه قونفرانس کرسیسینی اشغال ایدن آدمده ، کیم اولورسه اولسون ،
بکله رزکه بزه بو فلاکتلردن بحث ایتسین ؛ بو فلاکتک سبیلرینی ، چاره لرینی
و تدایسینی سویله سین ، سویله سین . اسکیدن بویله ملی فلاکتلرده « قادینلر بویوک
ایشلره قارشماز ، دیه جاری اولان بر فکر و جهالت سببیه بویله شیلره بیگانه
قالیرلر مش . مثلاً موسقوف محاربه لرینی کورمش اولان بویوک ننه لریمزله بویوک
قونوشدیغیمز وقت اوگونک فلاکتی تشریح ایده بیله جک ، حتی فلاکتک ماهیتی
آکلا یا جق ایچلرلنده کیمسه بولونمادیغنی و اک چوق خاطر لاملری لازم کلن

کنجلیکلر نده کچن بو محاربه لک اسملرینی بیله ضبط ایتمه مش اولدقلرینی کورورز. شبهه سز اولنلرده زمانلر نده بر فلاکت قارشى سنده اولدقلرینی مبهم بر صورتده حس ایتشلردر.

فقط جوق شکرکه اولنلرک حس ایدیشی ایله بزم حس ایدیشمز آراسنده جوق فرق وار. اولنلر فلاکتی کندیلرندن خارج برشی، مثلا اوزاق بر یرده کچن بر فیروطنه، بر آفت سماویه کبی تلقی ایتشلر؛ حالبوکه بوگون بزمی فلاکتیزی تا قلبمزه، بنگمزه حس ایدیورز. بو فلاکتک ویردیگی آجی قورقو و اوزاق بر حیرت ده کل؛ بو آجی قلبمزه، چوجقلیمزه، یووامزه، داخلی، خارجی بوتون سودیکمز انسانلره و یوردیمزه عائددر. بوگون بو فلاکتی بر اولاد، بر بابا غائب ایتشلر، خانمانلری سونمش، اوجاقلری ییقیلیمشلر کبی دیویورز، ده گلمی؟ بوندن دولاییدرکه عثمانلی تاریخنده گورلمه مش اولان بر صفحه گوستریورز. ملتک قادینلری ده ایلك دفعه ملتک حقیقی آناسی وافرادی کبی بو فلاکتی مشترک، بو فلاکتیله متحسس اولیور، ادنی قونوشمق، اوکاچاره بولمق ایچین بر آرایه طوبلانیور. دیمک که بوگون ملت فلاکتی قلبنده طاشیور؛ بوگون وطن بزدن خارج بر طوپراق، بر قلعه، بر مملکت ده گل، بوگون وطن قلبمزه، روحمزه اولان بر اولکهدر؛ اوکا وورمق، اوکا دوتمق قلبمزه وورمق، قلبمزی قوپارمق دیمکدر. او حالده، خانملر، گوز یاشلریمز آراسنده وطنک ایلك واک صاغلام تملنی آتمش اولدیغمزه اینانالم؛ چونکه بر آرزو کرا داها ایضاح ایده جگم، فقط شیمدی شوقدر سویلیه یم که وطنی قلبنده طاشیان بر ملت تاریخنده هیچ بر وقت اولمه مشدر. بو تاریخی و فنی بر حقیقتدر. فلاکت، مغلویت ایله انسان سورولری، وطنلری قلبلرینک خارجنده اولان انسان کتله لری داغیلیمش، انقراض بولمش، حتی اک مدنی واک یوکسک اولدقلری وقت بیله زیروز بر اولمشلر؛ فقط وطنی قلبنده طاشیان ملتاری هیچ برشی، هیچ بر فلاکت، هیچ بر ظلم ییقمامش، موقت زمانلر ایچین ازیلیمشلر، فقط وطنک یوردی قلبلری اولان بوملتلر وطنلرینه یر یوزنده ده شرفلر و یوکسک یرلر یایمشلردر.

بوگون، خانملر، سز و بن بوراده شو دقیقه ده قلمزده اک حاکم بر آجی
 ایله، برحس فلا کتله قارشى قارشى یه بولئوروز. سز و بن اک جوق بوفلا کتدن
 بحث ایتمک، بوفلا کتی ده شمعک، اونکله یوز یوزه بولنمق ایسته یوروز.
 بوگون آرا کزده آناسی اولابیله جگم چوقلردن بویوک والدم اولاجق
 محترم بویوک خانملره قدر هیمزک قلمزده بر اندیشه وار: وطنمزک فلا کتی! بر
 آرزو وار: وطنمزک بوفلا کتی قونوشمق! ایشته، خانملر، بن ده سزکله بوگون
 بونی قونوشمغه کلام. بیلورم که ایچکزده کیچه یاریلری دنیا صوصوب،
 قاراردینی دقیقه لر کولکهلری دیکله ین، قلمزده نهایتسز بر حزنله اولکله سی قلمز
 اولان سوگیلی وطنک قوبوق یرلرنده کی صیزی و بوشلق ایله ایکلکهلر وار! بیلورم که
 آرا کزده، بر دمیر چنبر کی استقبالمزی ضبط ایدن، قاپایان بوفلا کت قارشیسنده
 اللری یاننه دوشن مایوسلر، امیدسزلر وار. بیلورمکه سجاده سی اوزرنده
 وطنه نجات دیله نن دیندار و متوکل قلمز وار! هیمزه بر فلا کت گللیکی وقت
 ایلك ایشمز دوستلرمزک، داها دوعروسی بزم کی انسانلرک باشندن عینی شیلر
 کچمش می؟ کچمش ایسه اونلره ناصل تاثیر حاصل ایتمش و عاقبتلری نه اولمش؟ بونلری
 آراشدر مقدر. بو ابتدائی و انسانی حسدر که قادینلره و اپورلرده اک درین آجیلرینی
 بر برلرینه سویله تیر و اونک اوزرینه اوزون اوزادی یه قونوشدورر. ایشته بر
 ملت صفتیلده باشمزه بر فلا کت کنججه طیبی درکه اولا باشقه ملتلرکده بزم کی
 فلا کتلره معروض اولوب اولما دقلرینی، ثانیاً اولدیلسه اونلرک حیاتی اوزرینه
 ناصل تاثیرلر یاپدیغنی بیلیمک ایستوروز. بونلر ایچین ده طیبی تاریخ صحیفه لرینی
 قاریشدریروز. تاریخ انسانلر ایچین اک یقین فائده لی برشیدر. حیاتلرینه اینی شکللر
 ویره مک ایستین، بوگون آدام اولمق، یاشامق، بویومک ایستین ملتلر هپ
 تاریخچه جوق اهمیت ویرنلردر. چونکه تاریخ صحیفه لرلنده هم کندی ملتلمزک
 اسکیدن ناصل فلا کتلره اوغرا دیغنی، اوفلا کتلره نه لر سبب اولدیغنی، اوفلا کتلردن
 ناصل عبرت آلتوب آلمادیغنی کوروروز؛ هم ده باشقه ملتلر اوزرینه عینی
 فلا کتلرک ناصل کلوب، ناصل کیتدیگنی آکلاروز. تاریخ او گره نوب، تاریخ
 اوزرینه دوشوندکدن صوکر! آنجق آدام اولابیلیرز. اونک ایچین هیکزه توصیه

ایدرم، آرا کزده یوزده طقسانکز هیچ اولمازسه غزته و کتاب او قومق درجه سنده در، هیکز کندی تاریخکزی آلوب باشند باشه او قومنی واونک اوزرنده دوشونمگی کندیکزه ملی و دینی بر وظیفه بیلکز .

شیمدی ده ایشته سزکله برابر بوگون تاریخ صحیفه لرینی قاریشدر اجغز، باشقه ملتره بویله فلا کتلیک گلوب کلمه دیگنه باقا جغز؛ گلدیگی تقدیرده نه اولدیغنی تدقیق ایده جگز؛ واک صوک ملتری باتیران بوگون بزم معروض اولدیغمنزگی خارجی استیلا فلا کتلیمی، یوقسه داها باشقه سبیلر می اولدیغنی تدقیق ایده جگز. اولاک اسکی زمانه کیده لم. بوندن ایکی بیک دورتیوز سنه اول بوگونکی ایتالیانک اولدیغنی یرده روما دینیلن بویوک بر حکومت، اونک قارشیسنده آفریقاده زواللی غرب طرابلسنک بولندیغنی یرده قارطاجه دینیلن دیگر بویوک بر حکومت واردی. بویکی حکومت بر برینه قارشی خصومت بسنر و بر برینی محو ایتک ایستردی. محاربه یه باشلادقلری زمان قارطاجه لیلر داها زنگین، داها اسکی و قدرتلی بر حکومتدی؛ بوندن باشقه رومانک مالک اولمیدیغنی بردونماسی واردی.

او کجه لر قارتاجه رومایی دایما ازیوردی؛ فقط روما هر دفعه سنده یکیدن بر اوردو، قوت طوبلایوب محاربه یه آتیلوردی. حتی بر دفعه سنده قارطاجه قوماندانی بویوک آنیبال تاروما قاپیلرینه قدر گلمش، رومانک سکسان بیک کشیک اوردوسنی قلیجدن کچیرمشدی. فقط رومالیر بوندن هیچ یأس کلمه مشدی، اونلر یکیدن اوردولر تنظیم ایدهرک دو گوشمشلردی. بو محاربه لر یوز سنه دن زیاده دوام ایتمشدی. محاربه لرک آراسنده ایکی طرف ده تکرار مملکتی طوبلایوب یاشامغه باشلامشدی. آرالرنده برفرق واردی: قارتاجه رومایی دو گد کدن و یا خود رومایه دو گول کدن صو کرا محاربه آرالرنده مملکتی تکرار اعمار ایدرکن رومایی اونوتیوردی، قارطاجه نک قلبنده یالکز پارا، یالکز سفاهت، یالکز راحتجه یاشایوب اولمک فکری واردی. فقط رومالیر اونوتما یورلردی. اونلرک قلبنده سفاهتدن، پارادن، هر شیدن زیاده روما یاشایوردی و رومانک یاشامسی ایچین یاننده کی قارطاجه تهلکسی قالقمالی ایدی. روما سناتوسنده

قانون اسمندہ براعضاء بویوک بر رومالی برگون سناتویه تازہ بر اینجیر گتیرہ رک:
 « بویانجیری یتیشدیرن طوپراق رومایہ اوچگون مسافہ دہدر. بن شو فکرمہ یم کہ
 قارطاجہ محو ایدلمہ لیدر. » دیمش وَاوندن سوکرا ہر نہ وسیلہ ایلہ اولورسہ
 اولسون ہر نطقنک صوکنندہ « قارطاجہ محو ایدلمہ لیدر » جملہ سنی تکرار ایتمشدی.
 « قارطاجہ محو ایدلمہ لیدر » رومالیلری یاشاتان حاکم بر فکر اولمشدی. و برگون
 قارطاجہ بی محو ایتدیلر. اوصورتلہ محو ایتدیلر کہ قارطاجہ قادینلری ساجلریخی
 دونامالرینہ ایپ یاپاجق قدر، اہالی اولرینک تحتلریخی دونامالرینہ دیرک اولمق
 ایچین سوکوب کسہ جک قدر غیرت کوستر دکلری حالہ فائدہ ایتہ مشدی.
 قارطاجہ خاک ایلہ یکسان اولمش، روما اونک انقاضی اوزرندہ بویومشدی.
 یچین؟ چونکہ رومالیلر رومایی ہر شیدن جوق سورلردی؛ چونکہ بوجبت
 برقاج عقلی و بویوک رومالیدہ دہ گل، اک عاجز و متواضع رومالیدہ واردی؛
 چونکہ رومانک شان و شرفی شخصی شان و شرفلرندن بویوکدی؛ چونکہ
 رومانک دشمنلری، محو ایتمکہ یمین و عہد ایتدکلری دشمنلردی؛ رومانک ہر نفری
 روما ایچین دو گوشوردی. ہر رومالی روما دیر دیمز وطنداشلری ایلہ او مقدس
 فکر اطرافندہ برلشیردی. حالو کہ قارطاجہ لینک پاراسی، شخصی، ذوقی
 قارطاجہ دن دہا سوکیلی ایدی. قارطاجہ بی مدافعہ ایچین دو گوشن قارطاجہ -
 لیلر دہ گل پارالی عسکرلر، قارطاجہ بی قلبندہ طاشیایان عسکرلردی. آرالرندہ
 آنیبال گبی بویوک و وطنپرور قوماندانلر واردی؛ فقط نہ فائدہ ایدردی؟ بو گبی
 اوزون محاربہ لردہ بر غالبیت، بر حرب، بر کشتی نہدر؟ بوندہ سنہلر، نسللر
 و آوردولر دو گوشور و صوکنندہ قازانان دشمن قابی یہ کلدیکی دقیقہ حاضر لانان
 لاقیدلر دہ گل، ہر کون، ہر آن وطنی قلبندہ طاشیارق وجودیلہ، روحیلہ
 حاضر لانانلردر.

ظن ایتہ ییکز کہ یارین مصالحہ ایتمکہ بزم بولغارلہ غوغاض بیتمش
 اولسون. خایر، بو روما و قارطاجہ غوغاسی گبی در. ہانکی طرف
 وطنی قلبندہ طاشیر، دشمنلرینہ کینفی اولاددن اولادہ ویریر و وطنی قوتلی،
 شوکتلی ایدرسہ نتیجہ دہ او قازانیر. بن دہ بوگون، و قتیلہ رومادہ قانونک

دیدیکی گئی، سزه» بولغارستان توزکیایه بر قاج ساعتک مسافه ده در، بولغارستان
محو ایدیلیدر. «دیهه جگم؛ و بونی اولنجیه قدر هر مناسبتله سویله یا جگم :
« بولغارستان محو ایدیلیدر. « بونی سز یوره گگزده حتی سنه لک و اولومک
سوندوره میه جگی بر آتش گئی اوفله ییگز، و ممه لریگزک سودیله اولادیگزک
دامارلرینه آقینیگز! بولغارستان محو ایدیلیدر. بوفلا کتدن صو کرا ایلک درسکز،
ایلک تاریخ درسکز بودر، خانملر، بولغارستان محو ایدیلیدر! بونی یاشاییکز.
و طورونلریگز بونی بوگونکی قوتی و ابدیتی ایله آکسین!

اگر ایلک دفعه روسیه یه مغلوب اولدیغمز آندن صو کرا پادشاهلر سر ایلرنده
ذوق و صفالرنده، ملت جهالت و لاقیدیسنده، علما اوزون اویقوسنده و آنالر
دیلسز و اولو حیاتلرنده دوام ایده جکلیرنه دشمنک قوتی قدر بر قوت، دشمنک
کینی، غیرتی گئی بر غیرت و کینی یکی نسله آشیلایه ایدیلر، روسیه عجبا اولکه مزک
یاریسنی ضبط ایده بیلمیریدی؟ بوگون اونک کوچوک اوغلی بولغارستان پایتخت
قاییلرینه آیا صوفیه طاقاجنی خاچ آئنده گلیرمیدی؟ فقط بودفعه غافل اولماییکز؛
بونسلک ارککلری بیلمیورلرسه بیلمه سونلر، سز چو چو قلیگز یازارکن
دعالری، اویانجه ایلک آلدقلی نینسی، دامارلرنده ایلک قاینایان قان، باشلرنده
ایلک شکل آلان فکر، قلیلرنده ایلک دوغان و چارپان حس اولارق بو جملهی
ویریگز: « بولغارستان محو ایدیلیدر. »

دیمک که ایکی بیک درت یوز سنه اولکی تاریخک بزده بوفلا کت اوزرینه
ویردیکی درس دیورکه « مطلق مغلوبیت بر ملتی باطیرماز، بر ملت ایسترسه
اک بویوک هزیمتدن، اک بویوک فلاکتدن صوکردهده باشنی قالدیریر، بویور
و انتقامنی آلیر، یترکه اوملت وطنی سوسین، دشمنک کندی وطنی سودیکندن
فضله سوسین! »

بو اسکی زمانک درسندن صو کرا داها یقین زمانه ودها یقین یرلره کله لم؛
باقالم، باشقه بر درس داها آلابیله جگمی یز؟

ایکنجی مثال یه اسکی رومانک دنیا یه حکم ایتمش اولدینی یردن، ایتالیادن
آلاچم. ایتالیا بر وقت بویوک و شانلی اولدقدن صو کرا یوزلرجه سنه اجنبی

بویوندروغی آلتنده قالمش ، یوزلرجه سنه گاه بو ، گاه اوتنه کی حکومتلر حرص و هوسنده اسیر اولمشدی . همان دییه بیلیرم که ایتالیا قدر اجنبی استیلارندن ، کندی برنسلرندن ، داخلدن و خارجدن چکمش ، ازیلش ، ظلم گورمش بر مملکت یوقدی . ایتالیا اولا اوزون سنه لر آلمان ایمپراطورلرینک بویوندروغی ، ظلمی آلتنده ایگله مش ، صوکراده آوستریانک چیزمه سی آلتنده ازیلشدی . فرانسز ، آلمان ، آوستریالی شان و شرف قزاق ایستین بر قوماندان و حکمدار اوردوسیله بر دفعه ایتالیا یه دالمق عادت اولمشدی . بیجین ؟ عجب ایتالیا کندینی مدافعه ایدمه یه جک بر حالده می ایدی ؟ خایر ! اولا ایتالیا بو کندی مملکتی اوزرنده آت قوشدیروب شهرلری و بلده لریله شطرنج تحتیسی کی اویسیان ملترک هپسندن داها مدنی ، داها یوکسک ، داها صنعتکاردی .

ایتالیا بوگونکی غرب مدنیتکک آناسی ، بشیکی ایدی . بوگونکی صنایع نفیسه نامنه نه وارسه ، نفیس رسملر ، معتنا هیکلر ، محشم بنالر هپسی ایتالیا ده اولا میدانه چیقمشدی ، یکی گزیده ادبیات نامنه نه وارسه هپسی ایتالیا نک صنعتکار چو جوقلرینک روحنده دوغمشدی . اسکی باباس ادبیاتنک ، علمنک ظلمتنی یرتوب بوگونک حر یاشایان آنارینی وجوده کتیرن ایتالیا نک پتراق کی ، دانته کی چو جوقلری ایدی !

صوکرافن ! اسکی و باطل اعتقادلرک ، باباسلرک ذهنلر اوزرنده کی استبدادی یرتوب بوگونک حقیقتلرینی میدانه چیقاران غایله و امانلی ده اوراده دوغمشدی . دیمک که بومملکتده صنایع نفیسه ، علم ، فن و مدیت ، هرشی اطراقندن قات قات یوکسک بر ششعه ایله یانیوردی . فقط نه دن بو عقلی و قابیلیتلی ملت قومشولرینک قیلیچلری ، زنجیرلری آلتنده ، هرکون ملی فلا کتارک برندن اوتنه کنه دوشیوردی ؟ چونکه ، چونکه آرالرنده اتحاد یوقدی . آدام ، آدامی ، مشهر شهری ، فرقه فرقه یی اوقدر قیصقانیردی که برایتالیان شهرینی بردشمن یاقار ، خراب ایدرکن اوتنه کی شهر سیرجی قالیردی . قوجه عقلی و مدنی ایتالیا ده شخصلر ، شهرلر و فرقلر واردی ؛ فقط قیلرده هپسنک بردن سودیکی برایتالیا یوقدی ؛ ایسته بوندن دولای فلا کتدن فلا کته دوشدیلر ، برکون

نابولیون گوردی، دامانته سی کی یکی حکومتلر و تقسیمات یادی؛ ایرته سی کون او چیقنجه آوستریا پنجه سی اوزاتدی؛ و هپسنگ اوستنده ده پایا و کلیسا، قارانیگک و ذهنی استبدادک بر باقوشی اولان بومقام سیاه الدریله ایتالیانلرک مقدراتی اوستنده اوینادی. فقط بوفلا کتیرک توالیسی، بوفلا کتیرک تزیادی و شدتی نسبتنده ایتالیانلرده برانتباه حاصل اولدی، آرالرنده برانسان، بر فرقه، بر شهردن چوق ایتالیایی سومک لازم گله جگنی آکلاتاجق بویوک اداملر چیقدی! ملی اساسلر اوزرینه گنج ایتالیا فرقه سی تأسیس ایدن بر مازیخی، قانی ایتالیانک حریتی ایچین آقیتان و معیتنه آقیتدیران بر غاریبالدی چیقدی؛ صوکر اوتون بویکی حسلر و یکی اساسلردن استفاده ایتیه سی بیلن قاوورگی بویوک برسیاسیلری اولدی؛ و بونلرک آرقه سنده ارتق سارده نیایی، سچیلیایی، جنووانی و یاخود وندیکی ده گل، ایتالیایی سوه نلر چوغالیوردی. بوشهر پارچه لرندن مرکب مملکت برگون طویلر بر مملکت اولیوردی. یکی ایتالیانلر اولا کندی قیلرنده مشترک بر ایتالیا یاراتدیلر؛ صوکر ا بو ایتالیانلر اجنبی آیاقلری قوومق ایچین اتحاد ایتدیلر و برگون عصرلردن بری ملیتسمز، استقلالسز و قارماقاریشیق اولان اویر متحد و قوتلی بر ایتالیا اولوب میدانه چیقدی. بوگون اوروپانک بویوک دولتلری آرمهنده موقعی اولان ایتالیا بوندن قرق اللی سنه اول بزم قدر بیله استقلالنه صاحب اولمایان مملکتی ایللر آئنده، قانلر قالمش ایچنده فلا کتیزده بر مملکتدی. ملت بوفلا کتیرلردن اتحاد درسی اوه کړندیلر و بوکونکی ایتالیایی وجوده گتیردیلر. دیمک که، خانملر، تاریخک برابر چویردیگمز بو صحیفه سنده کی درسز اتحاددر. ایتالیانک فلا کتیرلردن صوکر آلدینی درس عبرت اتحاددر. واونی بوکونکی ایتالیا یاپان شی ده اتحاددر، ایشه بوایکنجی درسی ده اولادیکزه ویریگز، هر ملی فلا کت درسک باشنده اولا وطنی قلبنده طاشیمق وار، فقط بوندن صوکراده روما ایله قارطاجه محاربه سنده ناصل انتقام و دشمنلریمزه کین درسی وارسه ایتالیانک فلا کت و سعادتنده ده بزه اتحاد درسی وار. تکرار ایدیورم! چوجقلریکزه «بولغارستان محو ایدیله لیدر» وظیفه مستقبله سی تلقین ایتدکدن صوکر ا اونلره اتحاد ایتدی اوکړه ته جکسکز. اونلره فرقه، فکر،

شهر، هیچ بر شینک و طندن بویوک اولمادیغنی سویلیه جکسکیز، اونلرک یورده کلرنده اولامتحده و مشترک بر تورکیا بناسی قوراجقسکیز، و صوگرا بوجوجقارک قلمده قوردیفکیز تورکیا بناسی اونلر بر حقیقت و ابدی بر دولت اولارق بر یوزینه قوراجقار، دشمنلرینک حکومتلری، شان و شرفلری یاننده یوکسله جک بومهیپ تورکیانک تمللرینی یک عاجز کورون بوکونکی تورک آنالری آتدیغنی ده اونو تمایاجقلردر.

ایشته بوصورتله هر هانکی ملتک تاریخنک یایراقلری چویریلرسه اوراده آشاغی یوقاری عینی فلاکتلری، عینی قاراگونلری کوروروز. و بوقاراگونلردن هپسینک آیری بر درس عبرت آلارق قورتولدیغنی کوروروز. هپسینی تدقیق ایتک بوکون قابل ده کلدر. فقط بر دانه سنی داها آلوب قیسه یایراقلرینی چویره جگم که اوده بوکون شان و شوکتیله اوروپانک اک اوگنده اولان آلمانلار. آلمانلار ایتالیا کی یوزلرجه سنه آیری آیری، کوچوک کوچوک حکومتلره آیرلش اتحادسز و قوتسز بر مملکتدی، اوزون مدت اوستریانک بویوندروغی آلتنده قالدی. صوگرا اوستریان بر درجه یه قدر قورتولوب قوتلندیکی زمان فرانسزلر استیلا ایتدی. ناپولیون آلمانیایی بارجه بارجه ایتدی، قسم اعظمی فرانسه یه کچیردی و قالانی ده نفس آلامیاجق قدر خیربالادی. آلمانلار نه جان، نه عزت نفس، نه اوردو قالمشدی. فقط بوفلاکتدن اونلرده ایتالیانک آلدینی درس عبرتی آلدیلر. ناپولیون آلمانیایی چیزمه سی آلتنده محقر و عاجز صوک درجه ازدیکی بر دقیقه ده اویاندیلر. آلمانلار بویوک متفکرلری، فیلسوفلری آلمانیایه ملی عزت نفس نه اولدیغنی اوکرمشدی. ملیتی بیلن بوفلاکتزده قومک قلمنده اویانان وطنپرورلک بر زمان ایچین بوتون شخصیتلرینی یاقوب حیاتلرینه حاکم اولان برحس، بر آتش اولدی. وطنپرورلکلری و اتحادلری آراسنده مملکتی قورتارمق ایچین اصلاح لازم کلدیگنی دوشوندیلر، برچوق اقتصادی اصلاحات آراسنده تحصیل ابتدائییه بویوک بر موقع ویردیلر، ناپولیون مثلاً پروسیایه قرق ایکی بیگدن فصله عسکر بستمه یوردی، فقط پروسیاده هر اراکک لازم کلیرسه مکمل بر عسکر اولاجق قدر سلاح قوللانمق بیلوردی.

و نہایت اوردولری ، پارالری و مکتبلیله حاضرلاندقن صوکر ا حریتلرینی
تکرار الده ایتدیلر و بوگونکی آلمانیا یی وجوده کتیردیلر .
آلمانیا نك وطنپورلك درس یاننده فلا کترلنده بزه و یردیگی درس ده قوتلی
بر اوردو ایله ابتدائی تحصیلک اهمیتتی در . اسکی زمان تاریخلرندن دشمنلری مزه
قارشى حس انتقام و کینی قلمزده صاقلایوب چوققلری مزه و یرمک درسنى
آلیورز . یکی زمانکیلر ده اتحاد ، علم و قوتلی اوردو لزو ملرینی گورو یورز .
فقط بونلرک هپسی مشترک اولارق بزه بر بویوک درس و یریورلر : اوده هر
شیدن اول وطنی قلمنده طاشیمق و هرشیدن چوق وطنی سومک . اکروطنی
بو قدر بویوک و درین بر عشقه سومزسه ک عینی تاریخ صحیفه لری بزه نه علم ، نه اتحاد ،
نه ده پارانک بزی فلا کتدن قورتار میه جغنی سویله یور . تاریخ یالان سویله مز
و آلداتماز . دیککیه لم . بزه بوفلا کترلر غفلتدن ، جهالتدن ، تنبلکدن ، وطنمزی
سومه دیکمزدن گلدی . بوندن قورتولمق ایچین چوققلری مزى اوقوتمالی ،
یوللری مزى یاممالی یز ؛ ملتلی یکانه یاشاتان و حاکم ایدن مدنیتک ماکنه لر یله ، تجارتیله ،
علمیله ، هرشیله ، آرامزه گیرمه سنه غیرت ایدم . فقط بونلری هپ برغایه ،
هپ برامل ایچین یاییورز . اوده قوتلی و حر بر تورکیا و تورکلر وجوده کتیرمک .
- صوکر ، صوکر ا قوتیله ، توسعی ایله بویومه مزه مانع اولان ، حیات مزه گوز
دیکمش اولان دشمنلری ازمک ، - رومالیلرک دیدیگی تکرار ایدیورم : صلح
اولسون اولماسین ، بولغارستان اوج ساعت اوتیه کلدی ؛ بولغارستان محو
ایدیلیدر !

خالده اربیب

